

Uunga siunnersuut: Mittarfeqarfii A/S pillugu Inatsisartut inatsisaat
(Ineqarnermut Attaveqaasersuutinullu Naalakkersuisoq)

Saqquummiusissut
(Ineqarnermut Attaveqaasersuutinullu Naalakkersuisoq)

Siullermeerneqarnera

Mittarfiit 13-iut, qulimiguulinnullu mittarfiit 46-sut manna tikillugu suliffeqarfimmit nammineertitamit Mittarfeqarfimmit ingerlanneqarput. Suliffeqarfii mittarfinnik piginnittuunngikkunik, sanaartortuunngikkunik, ingerlatsisuunngikkunilluunniit pingasunngorlutik Qaqortumi, Ilulissani Nuummilu mittarfittaarnikkut tamanna allanngussaaq: Kalaallit Airports International A/S, Kalaallit Airports Domestic A/S kiisalu Mittarfeqarfii. Taamatut aaqqissuussaaneq akisuvoq, pisariuvoq, naleqqutiganilu.

Nunami mittarfinnik ingerlatsinerup aaqqissuussaanermi ataatsimi ataatsimoortinnejarnissa, inatsisissatut siunnersuutitigut siunertaavoq. Tulliuttut pingasut tassuunatigut qulakkeerneqassapput: siullertut sulisutigut piginnaasat naammattut piukkunnaatillillu qulakkeerneqarnissaat, aappaattut ingerlatsinermi pitsaanerusumik aningaasaqarneq, angisuunillu ingerlataqarnermi iluaqutit qulakkeerneqarnissaat kiisalu pingajuattut sunnivigeqatigiinnissap qulakkeerneqarnissa. Siunnersuutitigut Mittarfeqarfii Kalaallit Airports Holding A/S-imut aningaasaliissutigineqarluni, Mittarfeqarfii aktianik piginneqatigiiffinngortinnejassaaq. Mittarfeqarfii A/S ilanngullugu Kalaallit Airports Holding A/S Namminersorlutik Oqartussanit tamakkiisumik suli pigineqassapput.

Mittarfiit politikkikket suli nakkutigineqarnissaat qulakkeerniarlugu, kiffartuussinissamik isumaqatigiissutitigut akiliuteqartarnikkut mittarfinnik amigartoorutaasartunik ingerlatsinissamik, Naalakkersuisut ingerlatseqatigiiffimmut pisussaaffiliisinnanissaat anguniarneqarpoq. Mittarfiit inuiaqatigiinni attaveqaasersuutitigut pingaarutilittut inissismammata nunatta immikkoortotaanni mittarfinni tamani inuinnarnik timmisartuussinermut tapiissutit siunnerfeqartariaqarput, Naalakkersuisullu isumaqarput, politikkikket nakkutigineqarnissaat suli pisariaqartoq. Tamatuma saniatigut mittarfitta aserfallatsaaliineqarnissaanni ukiorpaalunngortuni kinguaattoorutigut ilusissatut siunnersuutigineqartukkut kiisami iliuuseqarfigisinnaalissavagut – pingaartumik sinerissami, nunatsinnimi mittarfinnik tamamik ingerlatsinissamut, aserfallatsaaliinissamullu ilusissaq kiffartuussinissamik isumaqatigiissutissani ilaatinnejassamat.

Mittarfeqarfii tunngaviusumik piginnaasaqarfimminik, imaappoq mittarfinnik ingerlatsinermik ukkataqarnissa, inatsisissatut siunnersuutitigut Naalakkersuisut ilutigalugu anguniarpaat. Taamaattumik aktianik piginneqatigiiffimmut nutaamut akileeqataassutigineqartussaanngitsut pigisat nalillit ingerlatallu arlaqartut, assersuutigalugu pilersuiviit, tunniunnejarnissaat pillugu suliaq aallartinnejarnikuuvooq.

Mittarfeqarfiiit aktianik piginneqatigiiffinngortinneqarnissaa kukkunerussanngitsoq qulakkeerluuarumallugu, mittarfiit akimorlugit aningaasaqarnermik Mittarfeqarfiiit, Kalaallit Airports A/S, avataaniillu siunnersortit suleqatigalugit Naalakkersuisut ilassutitut arlalinnik naatsorsuusiorlutilu misissueqqissaarput.

Naatsorsuinerit paatsuugassaanngitsumik takutippaat, Mittarfeqarfiiit aktianik piginneqatigiiffinngortinneqarneratigut, Kalaallit Airports Holding A/S-imullu aningaasaliissutigineqarneratigut ingerlatsinermi aningaasaqarneq annikinnerungaatsiassasoq. Naatsorsuinerit takutippaat, Mittarfeqarfiiit Kalaallit Airports Holding A/S-imut aningaasaleeqataassutigineqarani suliffeqarfittut nammineertitatut ingerlaannassappat, tamanna ukiumut 33 mio. koruuninik akisunerussasoq.

Taamaakkaluartoq silaannakkut angallassinerup ukiuni tulliuttuni annertuumik tapiiffigineqarnissaanik Naalakkersuisut siunnerfeqarnerinut allannguinnilaq. Ilaatigut Nuummi Ilulissanilu mittarfittaassat 2024-mi atulernerisigut Mittarfeqarfiiit isertitaminik annertuumik annaasaqarnissaa, ilaatigullu aserfallatsaaliniissami kinguaattoorutit angummaffigineqarnissaannik, nunamilu tamarmi inuiaqatigiinni attaveqaasersuutitigut pingaarutillet aserfallatsaalineqarnissaannik Naalakkersuisut kissaateqarnerinik patsiseqarpoq.

Mittarfiit nutaamik aaqqissuuussaanerisigut iluanaarutaasussatigut, kiffartuussinissamik isumaqatigiissutinut aningaasartuitissat annersaat aningaasalorsorneqarsinnaassapput.

2018-imi aalajangiineq tunuliaqutaralugu, mittarfinnik aaqqissuusseqqinnermi aningaasatigut kingunissai aalajangersimammata erseqqissaatigissavara. Nunami mittarfinnik tamanik siunissami ingerlatsinissami pitsaanerpaanik atugassaqartitsinissaq, aningaasatigullu pitsaanerpaamik sinaakkuteqartitsinissaq qulakkeerniarlugu, Mittarfeqarfiiit aktianik piginneqatigiiffinngortinneqarnissaa, suliffeqarfimmilu ataatsimi ingerlanneqarnissaa piissusissamisuuginnarlunilu akisussaassusermik kinguneqassaaq.

Taamatut oqaaseqarlunga siunnersuut Inatsisartuni kajumittumik suliassanngorlugu tunniuppara.